




Sačuvaj poslednju riječ za mene

Metoda „Sačuvaj posljednju riječ za mene“ podstiče učenike da izdvoje citat iz teksta, komentarišu ga i na času pokrenu diskusiju – ali oni završavaju razgovor svojim komentarom, jer imaju *posljednju riječ*.



„Sačuvaj posljednju riječ za mene“ je metoda koja pomaže u razumijevanju pročitano i potiče razgovor među učenicima.

Ona predstavlja okvir za razrednu diskusiju o tekstu, i posebno je korisna da se i tiši i stidljiviji učenici uključe u razrednu diskusiju.

Koraci u primjeni ove metode susljedeci:

- Potrebno je da učenici, dok čitaju dio teksta, pronađu jedan ili više citata koje smatraju osobito zanimljivima ili vrijednima komentara.
- Učenik zapiše taj komentar na indeksnu karticu ili komadić papira, pazeći pritom da ne zaboravi zapisati i broj stranice na kojoj se može naći taj citat.
- Na drugoj strani papira, učenik zapiše komentar o tom citatu. Učenik može taj citat razraditi, ne složiti se s njim, ili učiniti nešto treće.
- Učenici na idući sat donesu svoje papiriće s citatima i nastavnik prozove nekog da svoj pročita naglas. (Pomaže ako učenik kaže svima s koje je stranice citat preuzet kako bi svi mogli lakše pratiti.) • Nakon što se pročita određeni citat, nastavnik traži komentare i reakcije od ostalih učenika. Pazite da diskusija ne skrene sa teme i ograničite komentare koji bi mogli postati zajedljivi ili sitničavi. I nastavnik može dati svoje komentare.
- Za zaključivanje diskusije o citatu, nastavnik zatraži da učenik, koji ga je odabrao, naglas pročita svoj komentar ili komentare. Stvar je u ovome: nakon toga više nema diskusije. Učenik koji je zapisao neki citat ima posljednju riječ u vezi s njim. (Nastavnici! Ponekad će vam biti jako teško suzdržati se da ne ubacite posljednji komentar, ali to nije pošteno! To je protiv pravila.)

- Nastavnik sad može pozvati nekog drugog učenika da pročita svoj citat i iznova pokrene cijeli postupak. Malo je vjerovatno da će nastavnik prozvati sve učenike da pročitaju svoj citat u sklopu jednog nastavnog časa. Odabrat će samo nekoliko učenika.

Custom fields

Tip strategije: Obrazovne strategije

Collections

Autorski tekstovi

Metodika i didaktika